


Broj: 12184-3/21
Datum: 12.11.2021. godine



SKUPŠTINA KANTONA SARAJEVO
n/ predsjedavajućeg Skupštine
Ul. Mis Irbina 1
71000 Sarajevo

Na broj: 01-04-3006-47/21

PREDMET: Odgovor na zastupničko pitanje, veza Vaš akt broj: **01-04-3006-47/21**
od 15.10.2021. godine

Poštovani,

vezano za Vaš akt broj i datum gornji, koji smo zaprimili 25.10.2021. godine pod brojem: 12184/21, kao odgovor na zastupničko pitanje vezano za Javni oglas za prijem u radni odnos u Općoj bolnici „Prim. dr Abdulah Nakaš“ od 24.06.2021. godine obavještavano Vas sljedeće:

1. Zapisnikom Kantonalnog Inspektorata rada broj: UP-1-14-09-30-16860/21-09/34 od 24.08.2021. godine po kojem smo postupili odmah na sljedećoj sjednici UO jer je postupajući inspektor najavio da će ići sa naređenjem koje znači poništenje; na osnovu toga smo donijeli prvobitna Rješenja kojima je svim podnosiocima prigovora odgovorili na isti način, jer je postupajući inspektor tako sugerisao;
2. Dana, 01.09.2021. godine zaprimili smo Rješenje Inspektorata rada, zaštite na radu i socijalne zaštite broj: UP-1-14-09-30-16860/21-09/34-004 od 30.08.2021. godine kojim se ne naređuje poništenje Javnog oglasa nego usklađivanje teksta oglasa sa članom 5. stav (4) Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo („Službene novine Kantona Sarajevo“ broj 37/20, 27/21)
3. Obzirom da smo se prvi put našli u ovakvoj situaciji, a da se Uredbom o postupku prijema u radni odnos u javnom sektoru na teritoriji Kantona Sarajevo („Službene novine KS“ br.19/21) ne predviđa naknadno usklađivanje teksta javnog oglasa nego su članom 17. decidno propisani slučajevi u kojima poslodavac može poništiti Javni oglas, navedeno Rješenje smo dostavili Uredu za borbu protiv korupcije i upravljanje kvalitetom KS (u daljem tekstu: Ured) i tražili upute za dalji rad dopisom broj: 10076-2/21 od 03.09.2021. godine;
4. Dana, 17.09.2021. godine zaprimili smo Obavijest Ureda broj: 20-04-18-1758/21 od 10.09.2021. godine da isti nije ovlašten da vrši tumačenje okolnosti koje mogu predstavljati osnov za poništenje Javnog oglasa, te su nas stoga uputili da se obratimo Ministarstvu za rad, socijalnu politiku, raseljena lica i izbjeglice Kantona Sarajevo, kao predlagaču Uredbe.

5. Navedenom Ministarstvu obratili smo se dopisom broj: 10076-5/21 od 21.09.2021. godine te se u Informaciji Ministarstva broj: 13-04/2-02-34901/21 od 29.09.2021. godine između ostalog navodi: “Kako iz okolnosti koje su navedene u Vašem aktu, kao i onih koje su poznate ovom ministarstvu, ne proizilazi da postoji niti jedan od drugih osnova za poništenje javnog oglasa iz člana 17. Uredbe, ovo ministarstvo smatra da ne postoji pravni osnov za poništenje predmetnog javnog oglasa.”. Ministarstvo je dalje sugerisalo da možemo tražiti obustavu izvršenja upravne mjere, u skladu sa članom 99. Zakona o inspekcijama KS („Službene novine KS“ br. 2/17 i 37/21) jer je izvršenje upravne mjere u ovoj fazi postupka nemoguće zbog objektivne okolnosti koja se odnosi na okončanje postupka po javnomglasu.
6. U skladu sa navedenim, dana 30.09.2021. godine uputili smo Kantonalnoj upravi za inspeksijske poslove Zahtjev za obustavu izvršenja upravne mjere broj: 10076-7/21;
7. Dana, 11.10.2021. godine pod brojem: 10076-8/21 zaprimili smo Zaključak kantonalne uprave za inspeksijske poslove broj: UP-1-14-09-30-16860/21-09/34 od 07.10.2021. godine kojim se produžava rok za izvršenje upravne mjere za 30 dana tj. do 10.11.2021. godine;
8. Dva dana kasnije zaprimili smo i Odgovor na naš Zahtjev broj: UP-1-14-09-30-16860/21-09/34-013 od 08.10.2021. godine u kojem se između ostalog navodi da se po istom ne može postupiti iz razloga jer u konkretnom slučaju inspektor rada nije ni pokrenuo postupak prisilnog izvršenja rješenja.
9. Također, na internet stranici Ministarstva za boračka pitanja pronašli smo Odgovor na upit o primjeni i tumačenju Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“ broj: 37/20 i 27/21) broj: 06-02-39128/21 od 27.10.2021. godine. Upit je poslala Kantonalna uprava za inspeksijske poslove što znači da ni oni nisu sigurni šta učiniti, a iz teksta odgovora se da zaključiti da se isti odnosi baš na naš slučaj. Ministarstvo za boračka pitanja između ostalog navodi da je „prvenstvena intencija ministarstva za boračka pitanja Kantona Sarajevo da se postupak vodi u skladu sa odredbama uredbe. Na kraju odgovora se zaključuje „da je i dalje neophodno zajednički djelovati edukativno na poslodavce koji su u obavezi primjenjivati Uredbu:“

Zbog svega navedenog smatrali smo da navedeni Javni oglas ne treba poništiti, te su prvobitna Rješenja donesena po usmenim uputama postupajućeg inspektora stavljena van snage, postupak vraćen u period prije donošenja istih, te su donesena pojedinačna Rješenja kojim se svi prigovori kandidata odbijaju kao neosnovani i jedan prigovor kao neblagovremen.

Za sve ostale informacije stojimo Vam na raspolaganju.

S poštovanjem,

Dostaviti:

- Naslovu
- Odjeljenju za pravne, kadrovske i opće poslove
- a/a



DIREKTOR

Prof. dr. I. Gavrankapetanović